



Broj: 07-11-1440/21  
Vogošća, 02.11.2021. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 02.11.2021. godine donio je

**ODLUKU  
O PONIŠTENJU OTVORENOG POSTUPKA NABAVKE USLUGE IZRADE GLAVNOG  
PROJEKTA SANACIJE PLATOVA U ULICI BRAĆE KRŠO KOD BROJA 26, NA  
PODRUČJU OPĆINE VOGOŠĆA**

**Član 1.**

Poništava se Otvoreni postupak nabavke usluge izrade Glavnog projekta sanacije platoa u ulici Braće Kršo kod broja 26, na području općine Vogošća broj: 07-11-1440/21, jer nijedna od pristiglih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Član 2.**

Odluka o poništenju će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 01.10.2021. godine donio Odluku o pokretanju Otvorenog postupka nabavke usluge izrade Glavnog projekta sanacije platoa u ulici Braće Kršo kod broja 26, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.10.2021. godine pod brojem: 1353-1-2-181-3-142/21.

Sažetak Obavještenja o nabavci objavljen je u "Službenom glasniku BiH" broj: 62/21 od 08.10.2021. godine.

Tendersku dokumentaciju sa Portala javnih nabavki BiH je preuzelo 20 (dvadeset) ponuđača. Krajnji rok za dostavu ponuda bio je 21.10.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.10.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1440/21 iz oktobra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Construct projekt" d.o.o. Zavidovići	4.149,00	/	/	4.854,33
2	"Arting BH" d.o.o. Sarajevo	4.400,00	/	/	5.148,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Construct projekt" d.o.o. Zavidovići ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 50. Zakona zahtjevano je da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku (projektovanje saobraćajnica i manjih objekata niskogradnje, potporni zidovi uz saobraćajnicu i sl.) u ukupnom iznosu od 5.000,00 KM bez uračunatog PDV-a ili više pojedinačnih ugovora u ukupnom zbiru od 5.000,00 KM bez uračunatog PDV-a.

Tačkom 7.4.2. pod a) TD je propisano da su ponuđači dužni u ponudi kao dokaze dostaviti Potvrde o izvršenim ugovorima od druge ugovorne strane (Naručioca)-iznos 5.000,00 KM bez PDV-a, ugovor/e za koje su dostavljene potvrde o uredno izvršenim ugovorima druge ugovorne strane (Naručioca), nalog/e za plaćanje od strane druge ugovorne strane (Naručioca) koji je izdao potvrdu (kao dokaz realizovanog ugovora).

Ponuđač "Construct projekt" d.o.o. Zavidovići u svojoj Ponudi nije dostavio sve dokaze tražene tačkom 7.4.2. pod a) TD-nije dostavljen ugovor za koji su dostavljene potvrde o uredno izvršenim ugovorima druge ugovorne strane (Naručioca) i nalog za plaćanje od strane druge ugovorne strane (Naručioca) koji je izdao potvrdu (kao dokaz realizovanog ugovora).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Arting BH" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Arting BH" d.o.o. Sarajevo nije dostavio dokaze o sposobnosti za obavljanje profesionalne djelatnosti tražene tačkom 7.2.1. TD, a u skladu sa članom 46. Zakona.

- Tačkom 7.4.1. pod a) TD, a u skladu sa članom 50. Zakona zahtjevano je da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku (projektovanje saobraćajnica i manjih objekata niskogradnje, potporni zidovi uz saobraćajnicu i sl.) u ukupnom iznosu od 5.000,00 KM bez uračunatog PDV-a ili više pojedinačnih ugovora u ukupnom zbiru od 5.000,00 KM bez uračunatog PDV-a.

Tačkom 7.4.2. pod a) TD je propisano da su ponuđači dužni u ponudi kao dokaze dostaviti Potvrde o izvršenim ugovorima od druge ugovorne strane (Naručioca)-iznos 5.000,00 KM bez PDV-a, ugovor za koji su dostavljene potvrde o uredno izvršenim ugovorima druge ugovorne strane (Naručioca), nalog za plaćanje od strane druge ugovorne strane (Naručioca) koji je izdao potvrdu (kao dokaz realizovanog ugovora).

Ponuđač "Arting BH" d.o.o. Sarajevo u svojoj Ponudi nije dostavio sve dokaze tražene tačkom 7.4.2. pod a) TD-nije dostavljen ugovor za koji su dostavljene potvrde o uredno izvršenim ugovorima druge ugovorne strane (Naručioca) i nalog za plaćanje od strane druge ugovorne strane (Naručioca) koji je izdao potvrdu (kao dokaz realizovanog ugovora).

- Ponuđač "Arting BH" d.o.o. Sarajevo u svojoj Ponudi nije dostavio Izjavu o dostavi garancije za uredno izvršenje Ugovora-Aneks 8 TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge izrade Glavnog projekta sanacije platoa u ulici Braće Kršo kod broja 26, na području općine Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Construct projekt" d.o.o. Zavidovići
2. "Arting BH" d.o.o. Sarajevo
3. Nadležnoj Službi
4. U dosije
5. a/a

032/878-571

033/847-037



OPĆINSKI NAČELNIK

*Edin Smajić*  
Edin Smajić